



Uskoro suđenje za šverc heroina i ko

12 UHAPŠENIH U A NEGIRALO KRIVNJI

Mostarac Adis Burić (1976), zvani Burke, i drugi optuženi za trgovinu drogom, a koji su uhapšeni u akciji Osoje, pred sudijom za prethodno saslušanje Suda BiH izjasnili su se da nisu krivi.

S obzirom na to da su izjavili kako se ne osjećaju krivim, predmet protiv njih će biti dostavljen Vijeću pred kojim će se voditi klasičan sudski proces.

Dokazi na CD-ovima

Od svih optuženih samo je Igor Lečić neosuđivan, dok su ostali osuđivani zbog droge, teških krađa, oštećenja tuđe stvari, krijumčarenja osoba, a Burić je u sudnicu Suda BiH doveden iz zeničkog zatvora, gdje izdržava kaznu zbog trgovine drogom.

Ovom optužnicom pored Burića, koji je jedan od glavnih mostarskih dilera, obuhvaćeni su Dragolja Danko (1974), zvani Lepa, iz Mostara, Edin Arnautović (1980), zvani Edo, iz Sarajeva, Semir Habibija (1966), zvani Habe, iz Mostara, Petar Bošnjak (1960), zvani Pače, iz Posušja, Mario Bošnjak (1988), rođen u Mostaru, nastanjen u Posušju, Denis Tabaković (1979) iz Čapljine, Igor Lečić (1977), zvani Lečo, rođen u Mos-



Optuženi na izlasku iz Suda BiH u pratnji advokata

PRIVEDEN IZ
ZATVORA
Burić je u
sudnicu Suda BiH
doveden iz zeničkog
zatvora, gdje
izdržava kaznu
zbog trgovine
drogom

taru, nastanjen u Čapljini, Sladan Dragičević (1978), zvani Srebrenica, iz Čapljine, Almir Denja (1977), zvani Keča, i slikarka bez zaposlenja Valentina Sulić (1984), zvana Tina, oboje iz Mostara, te Josip Čuzić (1978) iz Širkog Brijega.

Na ročištu za izjašnjenje o krivnji advokat Senad Kreho, branilac Danka Dragoje, zatražio je da mu se pojašni kada će mu biti odstavljeni svi dokazi, te dodao da mu je Tužilaštvo BiH dostavilo samo šest CD-ova, a na što je tužilac Džermin Pašić kazao da se svi dokazi nalaze na disketama koje su dostavljeni braniocima optuženih.

Uz optužnicu, Tužilaštvo je Sudu priložilo ukupno 114 dokaza i predložilo saslušanje 12 svjedoka i stručnih vještaka.

Kao što smo pisali, Sud BiH 6. januara potvrdio je optužnicu koja Burića, Danka, Arnautovića, Habibiju, Petra i Mariju Bošnjaka, Tabakovića, Lečića, Dragičevića, Denju, Sulićevu i Čuzića tereti za organizovani kriminal, odnosno šverc heroina i kokaina.

U optužnici se navodi da je Burić organizovao i rukovodio grupom za organizovani kriminal,



Kokaina iz BiH u Hrvatsku

AKCIJI OSOJE

U Adis Burić i ostali koristili šifrovane termine koji su označavali vrstu, količinu i cijenu droge, kao i mjesto te vrijeme susreta radi preuzimanja i isplate



a ostali optuženi postali su članovi te grupe, te su od aprila do septembra 2013. godine švercovali drogu i to sa području Bosne i Hercegovine na područje Republike Hrvatske.

“Optuženi su najčešće koristili šifrovane termine koji su označavali vrstu, količinu i cijenu droge, kao i mjesto te vrijeme susreta radi preuzimanja i isplate. Oni su u više navrata prokrijumčarili između tri kilograma i 220 grama heroina, te 650 grama kokaina, naveli su iz državnog Tužilaštva”, uz napomenu da je optužnica rezultat zajedničke i uporedne istrage sa policijskim i pravosudnim organima Hrvatske.

Neuspjelo bijeg

Ova grupa je čisti heroin i kokain nabavljala je u Sarajevu, Mostaru i Tuzli, a potom po nekoliko stotina grama prebacivala u susjednu državu. Heroin i kokain u Sarajevo, Mostar i Tuzlu stizao je preko Sandžaka iz Turske. Navodno su čisti heroin kupovali za 30 maraka po gramu, a potom ga miksali i preprodavali za 40 KM. Ta cijena bi do dolaska na ulicu već bila 50 KM, a kokain i duplo skuplji.

U više navrata policija je u Dubrovniku, Splitu i Rijeci zaticala pošiljke heroina iz BiH.

Inače, članove ove grupe u septembru prošle godine uhapsili su pripadnici SIPA u akciji kodnog naziva Osoje.

Akcija je izvedena u “sitnim satima”, tako da je većina osumnjičenih zatečena na spavanju. Hapšenju je prethodila višemjesečna istraga, tokom koje su pripadnici SIPA zadokumentovali međunarodnu trgovinu drogama u količini od oko šest kilograma heroina, te određene količine kokaina i marihuane.

Podsjetimo, dva dana prije početka akcije Osoje, Burić je pobjegao iz Mostara, ali je uhapšen na granici u posuškim Gornjim Vinjanima. Inspektori SIPA odmah su posumnjali da im je neko “provalio operaciju”, no ispostavilo se da je Burić pokušao pobjeći iz BiH u Njemačku kako bi izbjegao održavanje trogodišnje zatvorske kazne u KPZ-u Zenica koju je ranije zaradio zbog dilanja heroina u Splitu. Navodno, u Hrvatskoj ga je već čekala putovnica s lažnim identitetom. **D. P.**